

Vaksdal kommunale næringsfond - vedtekter

§ 1 Næringsfond - heimel, kapital og avkasting

a. Fondskapitalen for næringsfondet er:

- Konesjonsavgift frå Bergenshalvøens Kommunale Kraftselskap (BKK) etter:
 - ^ regulering og overføringar i Eksingedalsvassdraget, jf. Kongeleg resolusjon av 28.06.64
 - ^ *utbygging av Myster kraftverk*, jf. Kongeleg resolusjon av 23.02.83.
 - ^ *bygging av Åsebotn og Hellandsfossen*, jf. Kongeleg resolusjon av 17.07.92.
- *Overførte midlar frå Vaksdal Landbruksfond jf. vedtak i kommunestyret av 14.06.2022.*

Grunnkapitalen (bunden kapital) var kr 7,0 mill. ved oppretting av fondet, og blir vidareført som før.

b. Tilførsle av kapital:

- Årlege konesjonsavgifter innbetalt av BKK i medhald av konesjonsvilkåra for eksisterande og framtidige reguleringar.
- Renter og annan avkasting frå fondskapitalen
- Andre innskot/overføringar, vedteke av kommunestyret

§ 2 Formål

Næringsfondet skal nyttast til å fremje næringsformål i kommunen, også primærnæringsformål. Prosjekt/tiltak som medverkar til nyskaping og betre mogelegheiter for sysselsettjing, skal prioriterast. Fondet kan nyttast til alle kommunale tiltak som kommunestyret vedtek.

Vaksdal kommune sitt næringsfondet vert finansiert frå næringsfondet etter kommunestyret sitt vedtak i årsbudsjettet.

Det kan ikkje gjevast stønad til sanering av gjeld eller til løpande drift av verksemdar og kommune. Det bør heller ikkje gjevast stønad til tiltak som fører til konkurransevriding i det lokale næringslivet. Midlar frå fondet kan kun nyttast til investeringar i varige driftsmidlar eller andre produksjonsfremjande tiltak.

Dei som kan søke er føretak registrert i Brønnøysundregisteret.

Strategisk næringsplan i Vaksdal kommune kan danne grunnlag for prioritering av prosjekt. Næringslivet i kommunen skal trekkjast aktivt med i arbeidet ved rullering av næringsplanen.

§ 3 Stønadformer

Stønaden kan gjevast som tilskot eller lån på vilkår. Midlane bør ikkje nyttast til aksjeteikning i private verksemdar. Dersom det vert teikna kommunale aksjar, kan ikkje dette utgjere meir enn 30% av aksjekapitalen i verksemda. Denne avgrensinga gjeld ikkje utviklingselskap, utleigebygg o.l. som kommunen etablerer i samarbeid med private interessentar.

§ 4 Stønadsvilkår

Samla finansiering frå fondet skal som hovudregel ikkje overstiga 30%, eller opp til 300 000,-, av den totale kapitaltrongen for eit prosjekt. Det vert ikkje sett noko nedre grense for tilskotsbeløp. Årleg tildeling frå fondet kan ikkje overstige fjorårets sum på tilførsel, med meir enn 30%.

Før søknad om stønad vert handsama, skal det liggja føre ei skriftleg utgreiing/tiltaksplan, med fylgjande innhald:

- Bakgrunn, mål/hensikt, søkjande føretak, prosjektleiar, prosjektinnhald med framdriftsplan, kostnad og finansiering.

Bruken av fondet skal vere i samsvar med det internasjonale regelverket Noreg har slutta seg til med omsyn til stønad (Sjå EØS-avtalen sitt regelverk for offentleg stønad). Stønaden (tilskot og eventuelt subsidieelement i lån med nedsett rente) skal vere avgrensa til:

- Maksimal bagatellmessig stønad må liggje innanfor den til einkvar tid gjeldande grense til ei og same verksemd i ein treårsperiode.
- Verksemdar som mottok stønad pliktar å opplyse om bagatellmessig stønad verksemda har mottoke dei siste 3 åra.
- Bagatellmessig stønad kan gjevast til alle verksemdar uavhengig av storleik.
- Det kan gjevast bagatellmessig stønad til alle typar kostnader og næringar, unntatte stønad til primær stålproduksjon, skipsbygging, transport og eksport.

Det vert sett standard atterhald om høve for kommunen og kommunen sin revisor til å setja i verk kontroll med at midlane vert forvalta slik som føresett. Kommunen og kommunen sin revisor skal ha rett til dei opplysningane ein finn naudsynt for sin kontroll.

§ 5 Forvaltning

Kommunestyret oppnemner eit fondsstyre. Fondsstyret er formannskapetets plan og økonomiutval (FPØ). Fondsstyret handsamar innstilling frå administrasjonen med vedtak om tildeling.

Kommunestyret kan vedta retningslinjer for fondet/fondsforvaltinga etter forslag frå fondsstyret.

Fondsstyret kan delegere avgjerdsmynde til administrasjonen innanfor nærare fastsette fullmaktsgrenser. Slikt mynde kan ikkje gå ut over dei avgrensingar som følgjer av kommunelova sine reglar og dei kommunale og fylkeskommunale budsjett og rekneskapsforskrifter.

Fondet har to søknadsfristar per år: 31.03 og 30.09. Søknadane vert handsama av fondsstyret. Eventuelle, faste tildelingar vert vedteke ved behandlinga for hausten, for året etterpå.

Fondsmidlane vert plasserte på rentebærande konto slik at midlane er disponible til ei kvar tid. Renter og avdrag vert attendeført til fondet. Anna plassering av midlane kan berre godtakast dersom dette ikkje er til hinder for at midlane kan disponerast innanfor ei tidsramme på 1 måned. Halvparten av fondskapitalen skal vere tilgjengeleg på dagslikvid bankkonto til ein kvar tid.

Budsjettet og rekneskapen (inkl. balanserekneskapen) skal vera integrert i kommunen sitt budsjett og rekneskap i samsvar med gjeldande forskrifter. Det bør også utarbeidast vedlegg til rekneskapen som viser ei samla oppstilling av inntekter og utgifter til fondet.

Klage på vedtak skal handsamast etter gjeldande reglar i forvaltningslova.

§ 6 Årsmelding

Det skal leggjast fram ei melding om verksemda til fondet for kommunestyret kvart år. Gjenpart av denne meldinga skal sendast statsforvaltar.

Meldinga bør leggjast fram i samband med rekneskapsavslutninga for kommunen.

§ 7 Godkjenning og revisjon av vedtekter

Desse vedtektene er vedtekne av kommunestyret i Vaksdal kommune i møte xx.xx.2022 Vedtektene kan endrast etter vedtak i kommunestyret.